



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

27. S. Virgilius Episcopus

[urn:nbn:de:hbz:466:1-52716](#)

Festum S. Virgilii Episcopi Sa-
lisburgensis.

EXHORTATIUNCULA I.

Sanctè cupimus vivere? Modum do-
cet S. Virgilius. Sobrius vixit cum
seipso, justus, & pacificus cum proxi-
mo, pius, & zelosus pro Deo. Fili-
en! compendium sanctitatis! citò arri-
piamus! implebimus omnia, si nun-
quam, vel raro, idque cautissimè atten-
derimus ad ea, quæ sunt ad extra.

Instructio meritoria.

Ut vitam adeò sanctam, & felicem
obtineamus, novem nobis constitua-
mus actus, tres in temperantia, tres in
dilectione proximi, & tres in fervore di-
vini servitii tempore sacrorum exercitio-
rum fidelissimè Deo uni & trino offeren-
dos. Pro clausula sic Psalmus: *Quam*
dilecta tabernacula tua, Domine Deus
virtutum. Tessera: *Tres sumus!*
& tres sufficimus.

II.

Cuique suum tribuit cultor Justitiae
S. Virgilius: Superiori obedien-
tiam,

tiam, æquali Charitatem, minori humilitatem, & reverentiam. Talibus verò illud Angelicum competit Canticum: Gloria in excelsis Deo, & in terra pax hominibus bonæ voluntatis. Huc spestant dæmonis consilia, ut nos solliciti, atque anxi, neque nobis ipsis, neque aliis, quibuscum conversamur, simus emolumento. Ad quid autem hæc damnificatio?

Instructio meritoria.

Coram transeuntibus detegere, caput humaniter inclinare, & mentaliter salvare: *Bene*dictio* Dei Patris, & † Filii, atque Spiritu † Sancti descendat super te, & maneat tecum semper.* Pro suffragio charitativo oremus quinque Pater, & Ave, sàpius intra vulnera Jesu fraternalm charitatem commendandò, vel ab iis instanter rogandò. Vulnera Domini sunt fontes genuini, & solidi amoris.

III.

Christiana signa ex ultima Hibernia in Germaniam transtulit S. Virgilius, Vir in fidei ardore, & zelô per omnia associandus Apostolis primis. Di-
lecte

lecte fili! Possumus & nos rem maxime augere Christianam. Quomodo? Virtutis exemplō. Divinum aliquid est, posse aliis prodesse. Mundus totus Xenodochium est, in quo tot morbi regnant, quot vitia. Heu! quam peritos tam subtilia mala & tempora Archiatros desiderant! Tot ad frugem perditos reducimus, quot virtute nostrā ad viam Domini allicimus. O nos crudeles, si id renuamus!

Instructio meritoria.

Ut ex sacris Religionibus, præsertim Familiâ SS. Patris Benedicti indies prodeant viri Jesu Christi, & Apostolorum spiritu pleni, sæpius recitemus duodecim Pater, & Ave cum totidem Gloria Patri &c. & collectâ ex Cursu Mariano notissima: Sancti Dei omnes intercedere dignemini pro nostra, omniumque salute.

¶. Lætamini in Domino, & exultate justi.
¶. Eccl gloriati omnes recti corde.

Oremus.

Protege Domine populum tuum: & Apostolorum tuorum Petri, & Pauli, & alio-

aliorum Apostolorum patrocinio confidentem, perpetuâ defensione conserva,
Per Christum Dominum nostrum.
Amen.

Festum Gloriosissimi, & Invic-
tissimi Apostoli S. Andreæ.

EXHORTATIUNCULA I.

Fili ! possumusne & nos cum Divo
Andrea gloriari : Repletus sum con-
solatione, superabundo gaudio in omni
tribulatione. O utinam ! at potius con-
fistamur ; quia in homine nostra qua-
rimus gaudia. Miramur, nos non ma-
gna operari. Causam habemus chare !
Quia non magna speramus de cœlo.
Tantum per nos operabitur Deus, quan-
tum se nostra in eum protenderit confi-
dentia. Dextera Excelsi nobiscum !
hanc apprehendamus : & rebūs etiam
perditis, omnibusque hominibūs nos
perseverentibūs, erit, qui & nos servet,
proteget, & salvet.

Instructio meritoria.

Curramus (si hominem queramus)
ad Sanctum Andream, & ut suam nobis
coram